

352/4/1

53050

LIBRI
περὶ φύσιος ἀνθρώπου
QVI INTER HIPPOCRATICOS EXTAT
CENSURA.

QVAM
RECTORE ACADEMIAE MAGNIFICENTISSIMO
SERENISSIMO PRINCIPE AC DOMINO
DOMINO
CAROLO AVGVSTO
DVCE SAXONIAE IVLIACI CLIVIAE MONTIVM ANGARIAE
ET GVESTPHALIAE LANDGRAVIO THVRINGIAE REL.
CONSENSV
GRATIOSI MEDICORVM ORDINIS
SPECIMINIS INAVGVRALIS LOCO
PRO
GRADV DOCTORIS
SVMMISQVE IN MEDICINA HONORIBVS
PRIVILEGIIS ET IMMVNITATIBVS RITE CONSEQVENDIS
A. D. XXIIII. FEBRVARII C I D I D C C L X X X V I I.
OBTVLIT
A V C T O R
GEORGIVS MANVELI
BYZANTINVS.

IENAE
TYPIS STRANCKMANNI.



ΤΟΙΣ

ΕΙΛΙΚΡΙΝΟΙΣ ΜΟΙ ΦΙΛΟΙΣ

ΚΥΡΙΟΙΣ ΚΥΡΙΟΙΣ

ΓΕΩΡΓΙΩ ΚΑΣΤΡΙΣΗΟΥ

ΤΩ

ΕΚ ΘΕΣΣΑΛΟΝΙΚΗΣ

ΕΛΕΥΘΕΡΙΩ ΚΥΡΙΑΝΝΗ

ΤΩ

ΕΚ ΡΑΨΑΝΗΣ

ΖΗΣΗ Χ. ΣΤΕΡ. ΤΑΟΥΤΟΥ

ΤΩ

ΕΚ ΤΥΡΝΑΒΟΥ ΤΗΣ ΘΕΤΤΑΛΙΑΣ

ΤΟΥΤΙ ΤΟ ΒΙΒΛΙΔΙΟΝ

ΕΡΑΣΜΙΩΣ ΑΝΑΤΙΘΕΤΑΙ.

Digitized by the Internet Archive
in 2018 with funding from
Wellcome Library

<https://archive.org/details/b30369125>

LIBRI

περὶ φύσιος ἀνθρώπου

QVI INTER HIPPOCRATICOS EXTAT CENSURA

SECTIO I.

DE ORIGINE ET FATIS LIBRORVM HIPPOCRATICORVM.

1.

HIPPOCRATIS Coi, HERACLIDIS filii, nomine scripta LXXII circumferri, ecquis est, qui nesciat? Quae vero omnia esse genuina atque ab ipso vetustissimo auctore exarata, ambigebat iam tota fere antiquitas, negaverunt plane recentiores auctores, argumentis et criticis, et historicis convicti. Hinc regulam quamdam atque canonem clarissimi invenerunt auctores, ut libri, vere ab HIPPOCRATE scripti, curatius distinguantur ab iis, quos aut non conscripsit, aut saltem non edidit. Ad hoc *χωρίζοντων* genus praeprimis pertinent, qui strenue laboraverunt in arte discernendi genuina a spuriis HIPPOCRATIS scriptis,

A

et

operam criticam adhibuerunt EROTIANVS *), GALENVS **), LEMOSIVS ***), MERCVRIALIS ****), HALLERVS †), GRVNERVS ††), GRIMMIVS †††) et SPRENGELVS ††††).

2.

Litteris quidem consignasse quaedam HIPPOCRATEM, HERACLIDIS filium, negare nemo potest, quanquam non multo inferior fuerit iis temporibus, vbi

Non-

*) Dictionarium medic. HENRIC. STEPHANI 1564, p. 5. seq. et EROTIANI GALENI et HERODOTI Glossaria in Hipp. ed. FRANZIO, Lips. 1789. 8.

**) Variis in locis, cum maxime in commentariis, iudicium criticum prodidit.

***) De optima praedicendi ratione L. VI. item iudicii operum magni Hipp. liber vnus, Venet. 1592. 8.

****) Censura Operum HIPPOCRATIS denno edita locuplet. atque emendatior, Venet. 1585. 4. Etiam ad calcem l. De Morb. Puerorum Basil. 1583. et in ipsa edit. Opp. Hipp.

†) In Bibl. Anat. Pract. et Chirurg. T. I.

††) Censura Librorum HIPPOCRATIS, Vratisl. 1772. ed. alt. 1773. 8. et in Bibliothek d. alten Aerzte, B. 1. et 2.

†††) Hippokrates Werke, B. 1 — 4. Altenburg 178.

††††) Versuch einer pragmat. Geschichte d. Arzneykunde, 1. B. Halle 1792. 8. Abschn. 4. S. 212. f.

Nondum flumineas Memphis contexere byblos
*Noverat — — — *)*

et chartae papyraceae confectio a Graecis interpretibus in Aegypto degentibus inventa, primum Aegyptiis, deinde etiam Graecis nondum innotuerat. Invenerunt autem Graeci interpretes PSAMMETICHI temporibus (seculo VII. ante aerae nostrae initium) modum, quo charta ex *cypero* papyro **) conficitur. Hinc facilior reddita descriptio librorum ad vulgum etiam descendit, quae sacra antea a solis pontificibus colebatur ***). Ex quo colligitur ante Pisis-
 stratidarum aetatem librorum confectionem apud Graecos haud quaquam invaluisse ****), cum materie carerent Graeci, cui facilius et aptius litteras inscriberent.

3.

Etenim ante Pisistratidas coriis animalium politis atque μάλθη seu certa massa obductis, stilo signa et cha-
 A 2 racte-

*) LVCAN. Pharsal. Lib. III. v. 224. Hanc veterum artem papyri conficiendi nuper restituit Nobil. DE LANDOLINA, Siracusanus. Vid. BARTELS Briefe über Sicilien, 3. Theil, Götting. 1792. 8. S. 51. f. recentiorum artem descripsit Cl. WEHRS l. Vom Papier, den vor der Erfindung desselben üblich gewesenen Schreibmafsen und sonstigen Schreibmaterialien, Halle 1789. 8.

**) De papyro cf. THEOPHRAST. Hist. Plant. IV. 9. p. 423. ed. STAPEL.

***) Cl. BÖTTIGER im Teutschen Mercur. 1796, Stück 3, S. 322.

****) WOLF Prolegom. ad HOMER, p. LXXIII.

racteres exarabantur, vnde praeceptor, qui literas formare doceret, διφθεραλαοίφος nuncupabatur. Διφθέραις autem libros confici non potuisse, Cl. WOLFIVS egregie docet, *), hinc γράμματα δημοτικά tunc demum invaluerunt, cum, διφθέραις antiquatis, charta papyracea substitueretur **).

4.

Quanquam itaque HIPPOCRATIS, HERACLIDIS filii, temporibus charta ex papyro confecta, a Graecis interpretibus in Aegypto degentibus iam inventa esset, nondum tamen adeo vulgari vsu apud Graecos increbuit, vt libros magnae molis conscripsisse ipsum vero simile sit. Quod quidem manifesto testatur GALENVS, testis praeter ceteris idoneus, dum THESSALVM docet commentarios, quos pater in coriis et codicillis reliquerit, composuisse, atque haud pauca de suis, tanquam lacinias, super addidisse. En ipsius verba ***)! Ὁμολόγηται γὰρ οὖν ἤδη καὶ ταῦτα συνθεῖναι Θεσσαλὸν, τὸν Ἰπποκράτους υἱὸν, τὰ μὲν αὐτοῦ τοῦ πατρὸς ἐν διφθέραις τισὶν ἢ δελτοῖς ευρόντα ὑπομνήματα, πρὸςθέντα δὲ τινὰ καὶ αὐτὸς οὐκ ὀλίγα. Hinc etiam lucem accipit locus VARRONIS apud PLINIVM ****), saepius adductus

*) Ib. p. 61.

**) HERODOT. Lib. II. c. 36.

***) GALEN. De difficil. respirat. Lib. III. c. 1. p. 187.

****) Hist. Nat. Lib. XIII. c. 11.

ductus et male intellectus, quo ALEXANDRI demum temporibus inventam esse papyrum legimus. Id quod omnino ita intelligendum est, ut papyri inventio, apud Graecos in Aegyptio degentes satis diuque vulgaris, tum demum ad Graecos, maris Agaei aecolas, transivisse videatur. Hinc etiam THEOPHRASTVS dicere potuit *) ἐμφανεστάτα εἶναι τοῖς ἔξω τὰ βιβλία, h. e. notissimam esse papyri confectionem apud externos.

5.

Cum ergo libri chartae papyraceae inscribi coeperunt, veterum etiam, vel coriis politis, vel rarius saltem papyro ipsi inscripta commentaria, a male feriatis hominibus transcribebantur frequentius, quin falsa auctoribus clari nominis substituebantur. Accessit regum Aegypti PTOLEMAEORVM aemulatio atque indefessum bibliothecas Alexandrinas locupletandi studium, quibus allekti homines lucri cupidi varios conscripserunt commentarios, imo veterum etiam, vel Hippocratis antecessorum, vel ipsius asseclarum, monimenta ipsi vindicarunt, ut celeberrimi medici auctoritate gloriarentur, quae alio nomine insignita, haudquaquam ita accepta vulgo viderentur. Atque ex hoc factum esse puto, ut, oblitteratis incertorum auctorum nominibus, ἀδέσποτα scripta circumlata HIPPOCRATI VNI, HERACLIDIS filio, quam maxime adscriberentur.

A 3

6.

*) Histor. Plantar. IV. 9. p. 423.

Vt vero antiqua carmina, quae a rhapsodis canebantur, inferiore aetate a familia Homeridarum novis aucta, vni immortalī HOMERO tribuebantur, famae et gloriae aucupandae gratia; ita veterum medicorum sententiae et aphorismi, a familia Asclepiadarum memoriter accepti velutique per manus traditi aut διφθέραις consignati, ad posterōs, praecipue ad scholam Hippocrateam, transiverunt, quae sententias hasce quam diligentissime collectas et transscriptas vni HIPPOCRATI, HERACLIDIS filio, vindicavit. Vnde hoc quidem usu euenit vt totam librorum Hippocrateorum molem nequaquam in spurios et genuinos dirimere, aut vni alteriue ex familia Hippocratea hunc illumue librum adscribere possimus, sed spissum volumen septuaginta duorum commentariorum ab vniuersa familia Hippocratea, et ante, et post HIPPOCRATEM, HESALIDIS filium, fuisse profectum persuadeamur. Fecit omnino aliquid ad consensum librorum huiusmodi producendum nominis HIPPOCRATIS celebritas et frequentia in familia medica. Etenim, praeter nostrum HERACLIDIS filium, inclaruit etiam nonnullis scriptis avus ipsius GNOSIDICI filius, qui libros περὶ ἀγνῶν et περὶ ἀεθέρων consignavit *): Inclaruit etiam scriptis nepos, THESSALI filius **), inclaruit quartus HIPPOCRATES, DRACONIS filius, quin-

*) Galen, Comment. in HIPPOCR. L. de victu acut. p. 43.

**) Hunc alterum partem libri περὶ φύσιος ἀνθρώπου scripsisse DIOSCORIDES credidit. v. GALEN. Comm. in h. lib. p. 17.

quintus THYMBRAEI, sextus PRAXIANACTIS filius, qui in vniuersum omnes Coi libros reliquerunt, nomine magni HIPPOCRATIS, HERACLIDIS filii, celebratos.

7.

Praeter hos etiam alii auctores, HIPPOCRATIS vnus nomine, vel ab eo vere scripta divulgaverunt, vel libros, quos ediderant, HIPPOCRATIS nomine ac auctoritate celebrarunt. Ita DIOCLIS Carystii vel ARISTIDIS Samii commenta de septenarii numeri efficacia tributa sunt HIPPOCRATI iam a fide dignis auctoribus *). Ita liber *δοξῶν κινδύων*, cuius auctor EVRYPHON fuit **), posteriore aetate HIPPOCRATI ipsi adsignabatur ***). Ita libri *περὶ φύσιος ἀνθρώπου* altera pars, quam POLYBUS conscripserat ****), HIPPOCRATIS esse perhibebatur, liber *περὶ σαρκῶν* ab ARISTOTELE *****) ad eundem POLYBUM, HIPPOCRATIS generum, rela-

*) PHILO De mundi opific. p. 26. — IUL. POLLVC. Onomast. lib. II. c. I. p. 153. Ad DIOCLEM vero CARYSTIVM melius refert melius refert hanc opinionem MACROB. Comm. in somn. Scip. lib. I. c. 6. p. 28. — ad ARISTIDEM, Samium, GELL. Noct. attic. lib. III. c. 10. p. 93.

**) GALEN. Comment. in Hipp. Epidem. lib. VI, t. 42. p. 455.

***) IUL. POLLVC. Onomast. lib. X. c. 23. p. 259.

****) GALEN. Comm. in h. I. p. 2.

*****) Hist. animal. lib. III. c. 3. p. 241.

relatus, iam in Hippocrateorum librorum serie exstat. Liber *περὶ διαίτης* primus, a PHILISTIONE Locrensi profectus *), iam HIPPOCRATI seni adscribitur.

8.

Multo maior iniuria nomini Hippocrático illata est, quum Attalorum et Ptolemaeorum regum aemulatione hominum pecuniae cupidorum vafritia commentis suis nouissimis, tanquam HIPPOCRATIS sint, venditatis, magnopere ditaretur, cum insuper, prohibita papyri exportatione, coria Pergamena per necessitatem invenirentur **).

Ab his inde temporibus nata est innumerabilis interpretum et *χωρίζόντων* cohors, qui, observata differentia antiquorum et recentiorum librorum, quoad decreta et opiniones, a se inuicem segregare atque diducere in partes quasdam studerent, vt genuina alia HIPPOCRATIS, alia spuria et a posterioribus supposita haberentur. Quod quidem hominum genus alia etiam sedulitate inclaruit, lectionibus nimirum antiquis et obscurioribus novas, quas faciliores et aptiores sensui putarent, substituendo: Quo potissimum nomine ADRIANI imperatoris aetate inclaruerunt ARTEMIDORVS CAPITO et DIOSCORIDES, cognatus ipsius ***).

9.

*) GALEN. De aliment. facultat. p. 311.

**) PLIN. Hist. Nat. XIII. c. 11.

***) GALEN. Comm. I. in libr. de nat. hum. p. 4.

Talibus tamque grauib⁹ vicisstitudinibus obnoxius fuit vulgatus, qui circumfertur, HIPPOCRATIS textus, vt nec EROTIANVS, nec GALENVS, nec, qui nostris temporibus in canona librorum Hippocraticorum quam studiosissime inquisiuerunt, MERCVRIALIS, FOESIVS, GRVNERVS alique, quid vere ab HIPPOCRATE, HERACLIDIS filio, profectum sit, quidue ab aliis, certo potuerint diiudicare. Variam viam in statuendo pretio ingressi sunt, mitiores censores multos libros ferri ac tolerari posse crediderunt, quos duriores iudices asterisco notarent et reiiciendos putarent, durissimus omnium iudex GRVNERVS fuit. Id vnum vero ex communi opera consecuti sumus, vt, suppositis quibusdam integritatis legibus, veluti ad amissim reuocare liceat, qui et quales libri nobilissimo HIPPOCRATIS nomine digni vel indigni esse videantur.

SECTIO II.

DE AVCTORE LIBRI *περὶ φύσιος ἀνθρώπου*.

Ex iis, quae in sectione prima iam dicta sunt, elucet sine dubio, nec hunc librum genuinum esse, nec ita ad nostra vsque tempora seruatum, vt mendis nullis, nulla lacuna, nullo denique additamento et vitio laboret. Quod

etiam tum testimoniis auctorum fide dignorum, tum lectione libri ipsius satis superque efficitur.

II.

A DIOSCORIDIS inde temporibus in duas dirimi ac diuidi debere partes hunc librum, tota antiquitas credidit. Alteram, et priorem quidem sectionem, ad verba vsque *κατὰ τὴν ὥρην τὴν ἐωυτῷ κατὰ φύσιν ὄυσαν μάλιστα* (p. 226. ed. Foës.) genuinam, alteram, eamque posteriorem a verbis inde, *Εἰδέναι χρεὶ καὶ τάδε πρὸς ἐκκενοισιν* (ib.), spuriam esse, et, quae a DIOSCORIDE obelisco critico notata fuerit, inferiorem etiam aetatem sapere.

12.

Quod genuina vereque ab HIPPOCRATE, HERACLIDIS filio, profecta sit prior libri sectio, GALENVS cumque eo tota fere antiquitas inde demonstrauit, quod PLATO iam doctrinae, quae in hoc libro contineatur, tanquam Hippocrateae, meminerit. Extat enim locus in PHAEDRO, qui saepius ad auctoritatem huius libri muniendam vsurpatus fuit *). *Εἰ μὲν οὖν Ἰπποκράτῃ τῷ τῶν, Ἀσκληπιαδῶν δεῖ τι πείθεσθαι* — — Adlegantur a PLATONE sequentia HIPPOCRATIS verba: *Δεῖ διανοεῖσθαι περὶ οὗτου οὖν φύσεως πρῶτον μὲς, εἰ ἀπλοῦν ἢ πολυειδές ἐστίν, οὐ περ βελησόμεθα εἶναι αὐτὰ τεχνικοὶ καὶ ἄλλους δύνασθαι*

*) Phaedr. p. 211, ed. Basil. gracc. 1554.

δυνατοὶ ποιεῖν. ἔπειτα δὲ ἂν μὲν ἀπλοῦν ἦ, σκοπεῖν τὴν δύναμιν αὐτοῦ, τίνα πρὸς τὸ πέφυκεν εἰς τὸ δεῖν ἔχον, ἢ τίνα εἰς τὸ παθεῖν ὑπότον. i. e. „Oportet de cuiusque rei natura considerare, in pri-
 „mis quidem, simplexne sit, an multiplex id, cuius nos optamus arti-
 „fices esse, et idonei, ut alios efficiamus. Dehinc, si simplex sit, con-
 „siderare facultatem ipsius, quam videlicet ad quid agendum com-
 „paratam habeat, aut quam ad patiendum ab alio.“

Classicum hunc PLATONIS locum GALENVS autumat clarissimum esse argumentum genuinae libri huius indolis, quod nullo alio loco, HIPPOCRATEM ex natura vniuersi corporis humani naturam explicasse, neque eo modo, quem PLATO citat, ratiocinatum fuisse constet *). Quod quidem primum comparationem cosmogoniae cum physiologia seu μακροκόσμου cum μικροκόσμῳ spectat, plurimis omnino locis, praesertim vero Aph. III, 18. et in libro de aëre, aquis et locis, germanitas aetatum et temporum anni vrgetur, quem quidem morem PYTHAGORAS iam sequutus erat **). Verba autem ipsa HIPPOCRATIS, quae adlegat PLATO, nec in hoc, nec in vlllo alio librorum Hippocrateorum, qui iam supersunt, leguntur. Quae, si nec GALENI temporibus apud HIPPOCRATEM exstarent, legebantur tamen a PLATONE in libro quodam HIPPOCRATIS postea deperdito. GALENI aetate enim permulti antiquorum libri, vel homi-

B 2

num

*) GALEN. Comm. in h. l. p. 2.

**) SPRENGEL's Geschichte der Arzneyk. Th. I, S. 168. seq.

num malevolorum invidia, vel incendiorum terraeque motuum saevitia, vel blattarum tinearumque edacitate evanuerant. Id quod queritur manifesto in commentario eo, quem ad nostrum librum scripsit *). Itaque ex his efficio, nec ipsi GALENO esse fidemtribuendam, dum his inductus argumentis genuinum credidit nostrum librum HIPPOCRATIS.

13.

EROTIANI testimonium **) tantum valet, quantum testimonia eiusdem auctoris de aliis libris, quos genuinos credit, quanquam manifesta adsint contraria argumenta.

GALENVS autem variis locis, tum commentarii in hunc librum, tum alibi vere genuinum esse hunc librum, priorem saltem eius sectionem, quae ad 240 lineas producta sit, audacter contendit ***). Imo antiqui commentatores, quos GALENVS citat, e. g. SABINVS, praeter adscititiam partem, qua venae male describuntur, dubii haudquaquam fuerunt de genuina huius libri indole ****).

PAL-

*) .L c. p. 4.

**) Praefat. ad glossar. Hippocr. p. 22.

***) Comm. in libr. de nat. hum. p. 2. 4. 5. et De element. sec. Hipp. lib. I. p. 49 — 52. — De dogm. HIPPOCR. et PLATON. lib. VI. p. 300. lib. VIII. p. 321. — De libr. propr. p. 366.

****) GALEN. Comm. in h. l. p. 22.

PALLADIUS quoque *), seculi septimi auctor, et MACROBIUS **), hic quidem, adlegatis verbis ipsis, quae in hoc libro occurrant, testimonium quoddam genuinae originis adferunt. Neque inter recentiores defunt, qui eandem sentententiam tantis sub auctoribus amplexantur.

14.

Verumtamen non defuerunt iam GALENI temporibus, qui totum hunc librum iuniorem crederent aetate Hippocratea, quos passim quidem refutat Pergamenus, ingenue tamen, indicato libri argumento, adiungit: Εὐδὲλον ὄν, ὅτι ὅλον τὸ βιβλίον ἐκ πολλῶν διεσκέυασται καὶ σύγκειται, i. e. „*Liquet igitur, uniuersum librum ex plurimis aliis esse conflatum atque compositum.*“ Hanc quidem opinionem vero simillimam, vt nostram etiam faciamus, cogunt nos plurima, eaque luculenta sane argumenta.

15.

Itaque quo minus primum HIPPOCRATI tribuamus ipsi, HERACLIDIS filio, hoc commentarium, impedit nos dissensus antiquitatis de auctore, quem alii faciunt POLYBVM, alii

B 3

THES-

*) Schol. in HIPPOCR. L. de fract. p. 918. ed. FOES.

**) Saturnal. lib. VII. c. 5. p. 508. ed. PONTAN. L. 1628.

THESSALVM HIPPOCRATIS magni filium, alii demum HIPPOCRATEM, THESSALI filium *).

A POLYBO, HIPPOCRATIS genero, profectam esse alteram saltem sectionem, docere videtur manifestum et disertum ARISTOTELIS, optimi iudicis, testimonium, qui, veterum auctorum, DIOGENIS Apolloniatae, SYENNESIS Cyprii, et POLYBI opiniones de venarum corporis humani origine et decursu adlegans, ipsis fere verbis citat, tanquam POLYBI, eam venarum descriptionem, quam tum in libri nostri sectione posteriore, tum etiam in libro *περὶ φύσιος ὀστέων*, (p. 275. ed. Foës.) legimus **). De manca hac ac pene absurda venarum descriptione postea plenior erit et vberior sermo. Neque tamen haec ipsa pars integra esse videtur, cum voces variae in eadem occurrant, quae inferiore demum aetate introductae, POLYBI temporibus nondum increbuerant, e. g. *ὀυζήματα* pro *οὔζα* ***). cet.

16.

Neque HIPPOCRATIS magni, neque genuini ipsius asseclae esse potest hoc scriptum, cum manifesto contrarias proferat auctor opiniones Hippocrateis. Etenim in fine *ἀμφημέρινας ἀπαλλάσσειν τάχιστα* „*amphimerinas solui citis-*
„*sine*

*) GALEN. Comm. in h. l. p. 2.

**) ARISTOTEL. Histor. Animal. lib. III. c. p. 241.

***) GALEN, Comm. in h. l. p. 27.

„sine omnium febrium“ iudicat, cum tamen HIPPOCRATES ipse tertianas solutionem facillimam pati credat *). Contrarium quidem hoc commentum omni adeo experientiae videtur, ut effingi haud quaquam potuerit, nisi a male feriatis ταῖς ἐν Ἀλεξανδρείᾳ προφητεύσασιν, ut GALENI verbis utar, οἱ μηδένα πώποτε θρασυμένοι νοσῶντα, σχολαστικοῦς ἐπέτριβον **).

17.

Denique HIPPOCRATI hunc librum abiudicandum esse censeo, quoniam ratiocinia ea, quae hic continentur, longe aliena ab HIPPOCRATE nostro eiusque doctrina esse videntur. Etenim notissimum est, et a tota fere antiquitate perhibetur, philosophiam ***) esse ope HIPPOCRATIS segregatam ab arte medica, neque legitur in vlllo libro eorum, qui, tanquam genuini, circumferuntur, ratiocinium, quod scholam quandam antiquam saperet. Neque vllibi eius philosophandi generis, quod hic quidem deprehendimus, vestigium legitur. Doctrinam enim de quatuor elementis et quatuor humoribus, eorumque mixtione, diserte tuetur auctor contra eos, qui et rerum vniuersitatem, et hominem ex vnico tantum elemento constitutum esse contenderant.

18.

*) Aph. IV, 59. et aliis passim locis.

**) Comm. h. I. p. 29.

***) Cels. De Medicin. Praef. L. I.

Itaque ex his luculenter patere videtur, neque HIPPOCRATI, neque alii cuidam veterum auctorum vnice essetribuendum hunc libellum, sed ex variis, iisque partim perantiquis, partim recentioribus fragmentis esse conflatum, et quidem temporibus *Φιλοκερδίας* Alexandrinorum, qui, quo maiorem acciperent pecuniae copiam a regibus *ἀντιφιλοτιμουμένοις* Pergamenis et Aegyptiis, consarcinasse varios alics, vt et hunc tractatum, videntur.

Accedit huc quidem varietas rerum, quae hic tractantur, accedit adfectatio dialecti Ionicae et conscribendi generis Hippocratici, quod genuinam haudquaquam esse, sed imitationem ludicram, cuique patebit, qui absque praeiudicata opinione legere hunc librum cupiuerit, et cum simplicitate Hippocratea contulerit.

SECTIO III.

ARGVMENTVM LIBRI.

Summa, de qua iam loquutus sum, argumentorum varietas paullo vberius nos cogit exspatiari in inquisitionem dogmatum, quae hic quidem liber quam maxime continet. Itaque quamquam multifaria est rerum, quae
in

in hoc libro tractantur, varietas, capita tamen adsunt praecipua quaedam, quorum primum versatur in elementis quatuor et quatuor humoribus statuendis, secundum in distinguendis morbis popularibus ab aliis, tertium in venarum descriptione, quartum denique in variis morborum observationibus.

CAPVT I.

DE ELEMENTIS ET ELEMENTARIBVS CORPORIS HVMANI HV MORIBVS.

20.

Auctor huius libri ita orditur, vt vnum esse non posse hominem contendat, sed ex quatuor conflatum elementis. „*Quisquis, inquit, audire consuevit eos, qui de natura humana ulterius enunciant, quam ex ipsius ratione ad artem medicam spectet, huic non expedit quidem, vt hasce audiat rationes.*“ Quibus omnino verbis significat auctor, se philosophiam ultra, quam expediat atque vtile sit medico aut physiologo, tractare nolle, itaque ea contentum esse philosophia, quae, quantum natura in corpore humana faciat aut ferat, doctura sit. „*Non enim in vniuersum dicimus hominem aerem esse, neque ignem, neque aquam, neque terram, neque aliud vllum, quippe quod apertum non est vnum in homine esse.*“ „*Permittimus autem haec loqui, prout velint.*“ Addit deinde, disceptari semper a doctis philosophis de natura elementi, quod supponant vnicum esse, atque in his quidem disceptationi-

tionibus eum excellere, ὃ ἀν' τόχῃ μάλιστα ἡ γλῶσσα ῥυεῖσθαι
 πρὸς τὸν ὄχλον, „cui forte in coetu contigerit linguam maxime fluen-
 „tam esse.“ Se vero nolle his argutiis immorari, neque ab
 eorum medicorum partibus posse se stare, qui hominem
 vel ex solo sanguine, vel ex pituita, vel ex bile sola con-
 flatum ac compositum esse arbitrentur. Quodsi enim
 unum extitisset homo, nullo vnquam tempore dolere po-
 tuisse: Neque enim esset, a quo dolore afficeretur, si-
 quidem unum esset. Quin imo si doluerit, necessariam
 esse unicam medelam. Nunc autem dari multas.
 In corpore enim esse multa, quae morbos creent, si quan-
 do mutuo praeter naturam calefiant et refrigerentur, sic-
 centurque atque humescant. Quam ob rem multas etiam
 existere morborum species, sanationesque ipsorum mul-
 tas. Non posse insuper unum esse hominem, qui gene-
 retur: Nullo enim modo quidpiam unum existens aliud
 generaret, nisi cuiusdam misceretur, nisque calidum cum
 frigido, siccum cum humido mediocritatem et aequalem
 temperiem inter se mutuo habeant, sed alterum altero
 multo excellat, generationem fieri non posse. Itaque ne-
 cessarium putat auctor, hominis corpore intereunte, se-
 cedere ad suam ipsius naturam unumquodque, humidum
 ad humidum, siccum ad siccum, frigidum ad frigidum,
 calidum ad calidum.

Hominem vero constare ex sanguine, pituita et du-
 plici bile, atra nimirum et flava, sanum esse hominem,
 cum

cum haec mediocriter se habeant ad inuicem, atque si maxime sint mixta. Nec vnum esse hos quatuor humores, sed vere diuersos. Itaque medicamenta etiam eo agere modo, vt id attrahant, quod germanum ipsis sit, alia itaque sanguinem ducere, alia pituitam, alia denique vtramque bilem.

21.

Haec prima pars argumenti huius tractatus versatur itaque in elementis quatuor constituendis et refutandis eorum opinionibus, qui ex vnico conflare omnia elemento statuebant. Horum quidem primus fuit THALES, Milesius, stator quasi et auctor vniuersae philosophiae Graecanae, qui ex aqua progenita esse omnia contendebat. Fortassis hanc habuit opinionem, quia nutrimentum omnium humidum esse videbat, ipsum quoque calidum ex eo factum, eoque animal viuere, ex quo autem aliquid fit, id esse principium omnium. Sunt autem quidam, qui etiam antiquissimos illos, et primos *Θεολογήσαντας* sic arbitrantur de natura sensisse. Oceanum enim et Tethyn generationis parentes esse cecinerunt. Iusiurandum quoque deorum aquam esse, *στύγα* ab ipsis poëtis appellatum *). THALLETIS quidem haec opinio in corporis animalis structuram egregie quadrat, quippe quae ex fluidis solis originem du-

C 2

cit.

*) ARISTOTEL. Metaphys. lib. 1, c. 3. p. 1229.

cit. Alia autem elementa ex aqua posse oriri, cum haec concreseat, aut fundatur siue attenuetur. Ex concreta nimirum aqua oriri terram, ex fusa autem, et attenuata ignem et aërem *). Hinc itaque patet transmutationem et μετα-
 μόρφωσιν elementorum receptam esse a THALETIS asseclis, ut corporum mixtorum originem declararent.

22.

Primus autem philosophus, qui commentum illud, quod auctor libri nostri impugnat, vnicum nempe esse elementum, demonstrare conatus est, fuit XENOPHANES**), Colophonius, Pythagorae quidem auditor, propriis tamen et peculiaribus dogmatibus clarus. Hic enim, vnum esse omnia, neque id esse mutabile, et id esse Deum, aequè natum, et sempiternum, et conglobata figura, contendit ***). ARISTOTELES hanc declarans XENOPHANIS opinionem, haudquaquam, physiologorum more, vnum supponi ait ipsum ens, tanquam vniuersum ex vnica oriretur materia, sed ἀκίνητον εἶναι τὸ πᾶν statuit. Itaque hinc οὐδὲν διασαφηνίσεν, ut loquitur ARISTOTELES, neque diserte significauit, se vnitatem materiae siue formae intelligere, sed

*) GALEN. Comm. in h. l. p. 5.

**) Cf. Liber de XENOPHANE, ZONONE, GORGIA, Aristoteli vulgo tributus passim illustrat. commentatione, auct. FÜLLEBORN, Hal. 1789. 8.

***) CIC. Acad. Quaest. lib. IV, c. 37.

sed cohaerere tantum vniuersum, immutabile esse, quod formam spectat ipsumque Deum esse*). Vnitatem Dei his commentis primus demonstrasse videtur philosophus Colophonius.

23.

Aliud tamen dogma, quod XENOPHANI tribuitur, curatiorem requirit inquisitionem, cum auctor libri nostri id praeprimis impugnet. Versus enim quidam exstant apud SEXTVM EMPIRCVM**), XENOPHANI adiudicati, in quibus ex terra gigni omnia, ipsosque homines ex terra et aqua progenitos esse docetur.

Ἐκ γαίης γὰρ πάντα καὶ εἰς γῆν πάντα τελευτᾷ.
Πάντες γὰρ γαίης τε καὶ ὕδατος ἐκ γενόμεσθαι.

Quam XENOPHANIS opinionem repetit quoque PLUTARCHVS apud EVSEBIVM***). Hoc maxime auctor noster collineare videtur, dum, nec terram posse, tanquam elementum, constitui vnicum, ex quo omnia sint generata, dicit. GALENVS in commentario ad hunc locum taxat atque reprehendit eos, qui paulo ambitiosius quaesiuisent, quisnam is sit, qui censuerit, solam terram esse elementum, superfluam esse hanc

C 3

inqui-

*) ARISTOT. Metaphys. lib. 7. c. 5. p. 1235.

**) Aduers. mathematic. lib. X. S. 313. 314. Cf. Schol. minor. ad II. n. 99.

***) Praeparat. euangel. lib. I. c. 8. p. 23.

inquisitionem, quum multa fuerint dicta et excogitata commenta a variis et philosophis, et medicis, qui vel nunquam litteris ea consignauerint, vel quorum scripta iam dudum perdita fuerint, perperam nonnullos interpretes XENOPHANEM accusare, velut SABINVM, qui sic ad verbum scripserit; *Non in vniuersum dicimus hominem aerem esse, velut ANAXIMENES, neque aquam, ut THALES, neque terram, ut XENOPHANES in quodam loco.* Nullibi enim pergit deprehendi XENOPHANEM id enunciasse, imo obscurum non esse credit GALENVS, SABINVM ipsum sponte sua et fraudulenter mentitum fuisse, non per ignorantiam ductum in errorem.

Quodsi vero libere, quid sentiam, dicere mihi liceat, equidem palam confiteor, GALENVN nimis temere ac inconsulto ARISTOTELEM sequi mihi videri. Hic enim diserte negat, terram a quoquam, velut elementum, fuisse constitutam. *Διὰ τί ποτ' οὐ καὶ τὴν γῆν λέγουσιν, ὥσπερ οἱ πολλοὶ τῶν ἀνθρώπων* *), ARISTOTELES vero hoc loco eos tantum existere negat philosophos, qui terram solam censuerint elementum, sed cum XENOPHANES ex terra et aqua conflatum mundum statuuisse dicatur, ad hunc spectare ac pertinere ARISTOTELIS locus nequaquam videtur. Quatuor enim testimonia manifesta 1. auctoris libri nostri 2. SABINI 3. PLVTARCHI apud EVSEBIVM 4. et SEXTI EMPIRICI

*) ARISTOT. Metaphys. lib. c. 7. p. 1259.

RICI omnino aliquid valent contra vnicum, et male quidem intellectum ARISTOTELIS dictum, et contra ipsum GALENUM, nimis fidum philosophi clarissimi asseclam.

24.

Vniuersi vnitatem discipulus XENOPHANIS, PARMENIDES, Eleaticus, ita demonstraui, vt, praeter vere existens nihil existere, vere existens itaque vnicum esse, neque praeterea quidquam, diceret *), (*Παρά γὰρ τὸ ὄν τὸ μὴ ὄν οὐδὲν ἀξιῶν εἶναι, ἐξ ἀνάγκης ἐννοεῖται εἶναι τὸ ὄν, καὶ ἄλλο ἔδεν*) itaque secundum rationem vnitatem hanc adsumendam esse iudicauit, atque omnem inde modificationum vicissitudinem, mutationum varietatem, substantiarum copiam omnino exclusit ab hoc vno **). Hinc igitur putaueris, simplex quoddam PARMENIDEM intellexisse, vel deum extra mundum, nisi diserte et significanter ARISTOTELES hoc negaret, cum dixerit PARMENIDEM praeter ea, quae sensibus percipiuntur, nihil statuere ***). (*Ἐκεῖνοι δὲ, διὰ τὸ μὴδὲν ἄλλο παρὰ τὴν τῶν αἰσθητῶν οὐσίαν ὑπολαμβάνειν εἶναι, τοιαύτας δέ τινας νοῆσαι πρῶτοι Φυσεῖς, εἶπερ ἔσταί τις γνῶσις ἢ φρόνησις, οὕτω μετήνεγκαν ἐπὶ τὰυτα τοὺς ἐκείθεν λόγους.*) Vnum hoc praeterea vniuersum immutabile esse, et nullum

*) Ib. c. 5. p. 1234.

**) Ib.

***) Ib. de coelo, lib. VIII. c. 1. 654.

lum existeret locum, nullum motum, nullum denique tempus, sed phaenomena haec omnia mera esse iudicauit, quod οὐκ ἐστὶ περὶ φύσεως σκοπεῖν, arbitratur Stagirita *).

25.

Sequitur PARMENIDEM MELISSVS, Samius, HIPPOCRATIS magni tempore aequalis, qui vnum esse vniuersum absque partium varietate, et hoc, quod infinitum sit, et immutabile, et semper fuisse, et semper fore, neque corporeae indolis esse, neque ad elementa quatuor nota pertinere iudicauit **). Cum κατὰ τὴν ὅλην vnitatem vniuersi docuerit MELISTVS, ψευδῆ λαμβάνειν καὶ ἀσυλλόγιστον εἶναι ARISTOTELES contendit, quoniam, si τὸ ὅν infinitum sit, quantitatem habet, simul itaque substantia est et quantitas, est itaque non vnum, sed duo. Quae quidem contradictio manifesto inhaeret ratiocinio MELISSEO. Hinc etiam, nihil generari, fatetur, neque sensum esse vllum, neque intellectum, quae quidem commenta inprimis impugnat auctor libri nostri!

26.

Contra ratiocinia MELISSI ita noster militat, vt experientiam ducem et magistram solum agnoscat, vt itaque
gi-

*) Id. PLATO Theaetet. p. 85. 96. — CIC. Acad. Quaest. lib. IV. c. 37.

**) Id. Physic. lib. I. c. 2. p. 442.

gigni aliquid, mutari corpus nostrum, sentire et moueri certitudine *empirica* perhibeat: Ex quibus deinde experientis haudquaquam vnum esse vniuersum, sed varium et ex diuersis conflatum elementis efficit. Methodum hanc, experientia duce, dirimendi litigia philosophorum, vere Hippocraticam, medicam, empiricam esse, eamque, quam BACO VERVLAMIUS, quique eam nuperis sequuntur temporibus, optauerunt, cuicumque patet. Philosophi autem, qui a rationis principiis ordiuntur, eadem contenti esse nunquam possunt.

27.

Superest, vt de duobus reliquis elementis, quae vnica a quibusdam philosophis graecis statuebantur, pauca dicamus. „*Neque aerem solum, neque ignem esse hominem*, perhibet libelli hippocratei auctor.

Aera infinitum, et ea, quae ex eo orirentur, definita, gigni autem terram, aquam, ignem, tum ex his omnia, statuit ANAXIMENES, MILESIVS, ANAXIMANDRI discipulus (Olymp. VI.), experientia doctus, quae aere mutari omnia et in aera pleraque euaporare docet. Experientia quoque ostendit, nullum corpus nullumque elementum tam faciles pati mutationes et vicissitudines, quam aera *). Ipsam quoque mentem humanam aera esse, et aera, qui mun-

*) CIC. Acad. Quaest. lib. IV. c. 37. — ARISTOT. Metaphys. lib. I. c. 3. p. 1129.

mundum ambeat atque regat, velut animam mundi, considerari posse. Nequaquam (vero esse aera hunc atmosphaeram nostram sensibus percipiendam, sed ἀναισθητὸν quid, quod λόγῳ tantum percipiatur, et motu sempiterno gaudeat. Ex πυκνουμένῳ et ἀραιουμένῳ aere omnia putat oriri, inde aquam, terram, ipsosque lapides, hinc ignem *). Vnde patet FRANKLINI opinionem, quam Cl. LICHTENBERG nuper egregie exposuit, ANAXIMENIS physiologia peruetusta iam comprehendi **).

28.

Vltimum philosophicum dogma, eorum, qui unitatem elementi adsumebant, ab auctore nostro confutatum, est HERACLITI, Ephesii, qui ex igne omnia prodiisse, mutato igne, elementa cetera oriri perhibuit. Ὅτι γῆς θάνατος ὕδωρ γενέσθαι, καὶ ὕδατος θάνατος αἶρα γενέσθαι, καὶ αἶρας πῦρ, καὶ ἔμπαλιν. ***). Παρὰ ἀλλήλῃς itaque ratione oriri reliqua elementa, et incrassatione praepremis ignis et aerem, et aquam, et terram, credidit ****). Ignem praeterea elementarem motu continuo gaudere, cumque ignis uniuersum sit, uniuersum etiam continuo fluere, neque per vnici momenti tempus idem manere. Hinc etiam corpus humanum igne regi, atque functiones omnes ope huius

*) ORIGEN. Philosoph. c. 7. p. 886. ed. DE LA RVE.

**) Cl. SPRENGEL's Beyträge zur Geschichte der Medicin. St. 2. S. 240.

***) MARC. ANTONIN. εἰς ἑαυτὸν, lib. IV. c. 46.

****) CLEM. ALEXANDR. Strom. lib. V. p. 549.

huius elementi perfici. Mentis humanae igneam indolem, quam alii deinde professi sunt, primus omnium perhibuit, ductus forsan observatione incalescentis corporis, dum summa cum attentione et continuo cogitamus *).

29.

Horum itaque philosophorum dogmatibus refutatis, transit auctor ad quatuor elementorum et humorum totidem corporis elementarium praesentiam euincendam. Quatuor esse elementa corporis cuiusvis, adsumit ex theoria tum EMPEDOCLES, tum aliorum philosophorum, qui ipsum praecesserant. Ratio autem, quae Agrigentinum philosophum coegerat, ad quatuor respicere elementa, haec fuisse videtur.

THALETIS elementum, aquam, ANAXIMENIS aera, HERACLITI ignem, XENOPHANIS terram, cum singula sufficere non putaret ad mundi generationem, omnia haec simul complexus est. Insuper adhaerens Pythagoreae disciplinae, quae *μονάδα* originem omnium rerum esse statuerat, (assumserat autem *ἐναντιώσεις* decem seu contrarias qualitates, ex quibus progenita crederet omnia), EMPEDOCLES quatuor tantum has *ἐναντιώσεις*, easque iunctas effluxit, quae iampridem singulae notae essent **).

30.

Causas efficientes ortus corporum ex quatuor hisce elementis symbolice nominibus *amicitiae* et *inimicitiae* insigni-

D 2

uit,

*) STOBÆVS Eclog. physc. lib. I. c. 25.

**) ARISTOT. Metaphys. lib. I. c. 3, p. 1129.

uis, vt vim attrahentem et repellentem exprimeret. Opē amicitiae quaecunque oriri, interitum vero omnium inimicitia produci, neque reuera corpus quoddam oriri, neque interire, ortum et interitum igitur nihil esse, nisi mutationis μεταλλοιώσεις, nec orta esse ea elementa, sed sempiterna, componi autem ope vnitatis *) statuit.

Hinc itaque transformari haudquaquam et misceri credidit EMPEDOCLES haec elementa, dum corpora oriuntur, sed κατὰ μικρὰ μορία παρακείμεναι τε καὶ ψάυνει secundum accidentales qualitates **). Ex his lucem accipiunt versus, quos ARISTOTELES ex EMPEDOCLE adlegat ***).

Ἦ μὲν ἐν ἐκ πλειόνων μεμάθηκε φύεσθαι,
ἧ δὲ πάλιν διαφύντος ἐνὸς πλέον ἐκτελέθῃσιν,
τῇ μὲν γίνονται τε καὶ οὐ σφισιν ἔμπεδος αἰών,
τῇ δὲ διαλλάσσονται διαμπερές, οὐδ' ἅμα λήγει,
ταύτη δ' αἰὲν ἔασιν ἀκίνητοι κατὰ κύκλον.

31.

Magna inde et memoratu dignissima elucet differentia theoriae Empedocleae et eius, quam auctor libri nostri in medium profert. Hic enim primus forsan videtur κρεῖσιν veram elementorum adsumisse, vt ortum corporum inde explicaret, cum EMPEDOCLES tantum ad τὸ προσκείμεναι provocauerit. Quod a GALENO quidem manifesto animadversum, a nullo recentiorum scriptorum historiae philosophicae adnotatum est.

32.

*) *Ib.* — PLUTARCH. adv. Colot. p. 1113.

**) GALEN. Comm. in h. l. p. 6.

***) *Physic.* lib. VIII. p. 564.

32.

Accedo ad clarissimam illam theoriam, quam auctor *de humoribus quatuor corporis elementaribus* profert, et primus quidem omnium, vt mihi videtur. Etenim EMPEDOCLES ipse non, nisi suspensa manu et quasi aliud agendo hanc physiologiae partem attigit. Partes enim hic et membra corporis humani ex elementorum aequali vel inaequali ratione declarans, vltra tamen haudquaquam progressus est *), in nostro autem libro doctrina de quatuor humoribus elementaribus vberime exponitur. Neque tamen omnino dilucidare valeo obscuritatem primae inuentionis huius dogmatis, neque definiendum mihi esse arbitror, sitne noster auctor verus huius theoriae stator, siue PLATO. Quum enim aetas huius libri determinari nequeat, ob fragmentorum varietatem, e quibus componitur, ecquid impedit, quo minus ex PLATONIS TIMAEO, vbi commentum hoc de quatuor humoribus elementaribus diserte exponitur, desumta sit etiam haec libri nostri particula?

Quicquid sit, hoc tamen certissimum est iam diu ante PLATONEM doctrinam illam de quatuor humoribus corporis cardinalibus quadantenus viguisse, cum ANAXAGORAS aetate prior febres plerasque ex bile flaua originem ducere statuerit **).

33.

Quatuor humores vere existentes in corpore humano ita demonstrare conatur auctor noster, vt ad euacua-

D 3

tio.

*) PLUTARCH. *Physic philosoph. decret. lib. V. c. 22.*

**) ARISTOTELES *De partibus animal. lib. IV. c. 2. p. 1172.*

tiones eorum inspiciat, empiricam iterum optans methodum, nec a priori ratiocinans, more ceterorum antiqui aevi philosophorum. Methodus haec, cum ratione medicinae Hippocraticae optime congruens, genuinum saltem HIPPOCRATIS discipulum fuisse auctorem huius particulae, aut fragmentum isthoc esse ipsius HIPPOCRATIS, quodammodo docere videtur.

CAPVT. II.

DE MORBIS ANNIVERSARIIS ET POPV- LARIBVS.

34.

Pergit auctor in confirmandis commentis suis de quatuor humorum dominio, dum comparat morborum anniuersariorum indolem cum hisce humoribus. Pituitam hieme dominari contendit, (vtramque enim frigidissimam esse, quod tactu percipi possit) homines quoque hieme *φλεγματοδέστατον ἐκμύσσεσθαι*, et tumores albos, et morbos ceteros pituitosos tunc frequentes ac communes esse. Vere pergit pituitam in corpore adhuc manere, et sanguinem augeri caloribus diurnis, (consentire enim ipsi hanc anni partem) homines etiam maxime vere et aestate dysenteriis corripì, et haemorrhagias e naribus pati, et calidissimos esse, et maxime rubentes. Aestate et sanguinem robur obtinere adhuc, et bilem sese in corpore efferre, sponte itaque homines euomere bilem, et, epotis medicamentis, bilis maiorem copiam deicere, autumno denique nigram bilem aestuare statuit.

§. 35.

55.

Hic quidem prima terminatur particula libri. Altera pergit in contrariis medelis statuendis. Haud commoda semper esse ea, quibus homo in victu utitur, necessarium itaque esse, ubi didiceris, immutare, et, habita ratione aetatis, et formae humanae, et tempestatis annuae, et modi aegritudinis, curationem adoriri, interim quidem subtrahendo, alioquin addendo, spectatis singulis aetatibus et formis aegritudinum. Cum vero morbus popularis grassatur, clarum esse ait, quod, quae ad victum spectent, minime sint in caussa, sed id quidem, quod respiramus et spiritu attrahimus.

36.

Duae hae manifesto diuersae sectiones ordine sunt considerandae, et prima quidem sectio morbos anniuerfarios tractat, quales in Graecia et Asia minore vulgo obseruantur; ubi simul auctor quatuor istos humores elementares, tanquam sanitatis et aegritudinum caussas, exponit. Quod ad anni tempora spectat, quatuor vulgo apud HIPPOCRATEM numerantur, quorum primum

1. *Hiems est.* Incipit pleiadam occasu heliaco, (Nov. 6.) et terminatur arcturi ortu acronyctico (Febr. 17.).

2. *Veris* initium ad vltimam hanc diem, et finis cum ortu pleiadam heliaco (Mai. 7.) contingit.

3. *Aestas* ab hac demum periodo incipit, et terminatur occasu pleiadam heliaco (Nov. 6.) *).

§. 37.

*) SPRENGEL's Apolog. des Hipp. Th. II, S. 53. f.

His quidem anni temporibus auctor libri nostri ita morbos anniuersarios applicat, vt hieme pituitam, vere sanguinem, aestate bilem, autumnocatram bilem dominari statuatur. Quam observationem partim confirmatam legimus in aliis libris Hippocrateis, iisque sine dubio genuinis. In libro *περὶ ἀέρων, τόπων καὶ ὑδάτων* aestate, quae ver humidum sequatur, dysenterias, autumnovo febres intermittentes et hydropem, hieme nonnunquam inflammationes, tum vero catarrhos, coryzas, tusses ipsasque phthi-
ses grassari perhibetur. Ita quoque in aphorismorum sectione tertia variae adduntur sententiae, quae tum confirmare, tum curatius finire valent id, quod auctor noster hic paucissimis profert.

Hae autem observationes in Graecia institutae, ibidem etiamnum valent, nec omnino in aliis regionibus. Vicissitudines enim aeris temperiei in patria mea *) multo vehementiores sunt, quam in Germania. Aestate et verno tempore, dum nix in montibus Thracicis liquefacta ventos boreales frigidissimos facit, noctes aestivas vernasque frigore obseruamus in primis noxias. Hinc inflammatoria
con-

*) Cf. hac de re Cl. FINKE Versuch einer [medic. practischen] Geographie, 1. Band, Leipz. 1792. S. 111. seq. et Band 3. S. 93. Noxas exinde oriundas in Hispania ad viuum expressit THIERY v. Phys. med. Beobachtungen an verschiedenen Orten in Spanien gesammelt, B. 1. 2. Hildburgh. 1794. 8.

constitutio verno tempore imprimis in insulis Archipelagi dominatur, calor autem aestiuus humores secretos contaminat atque corrumpit, unde bilis maxime abundantia et acrimonia nascitur. Hiems vero humida et frigida transpirationem sufflaminat, catarrhos et alios morbos pituitosos generat.

59.

Adiuncta alius auctoris de morborum popularium dominio propositio in se quidem bona, sed paullo leuior est, cum in vere occultam qualitatem, qua morbi populares producantur, inesse statuatur. Nec nostris etiamnum cultissimis temporibus meliorem explicationem *) aliquis inueniat, qua recte vti possimus ad dilucidandum τὸ θεῖον **) in aere, cuius ope et viuimus, et aegrotamus, et morimur.

*) Tentarunt varie varii auctores rei obscurae modum, sed sine naturae auctoritate. Cl. WEIKARD (kleine Schriften Mannh. 1782. n. 1.) grauedines, destillationem narium et artuum dolores a quodam occulto aeris vitio, non ab transpiratione cutis suppressa repeti oportere censuit, Perill. CRELL (Diff. historiam catarrhi epidem. a. 1782. p. 94.) causam quaerit in aeris phlogificati nimis aucta quantitate, BIRNSTIEL (De dysenteria liber, Mannhem. 1786.) iterum in aliam ingreditur opinionem. Quantum est, quod nescimus!

**) Cf. HIER. IORDANIS De eo, quod diuinum aut supranaturale est in morbis hum. corp. eiusq. curatione liber, Frft. 1651. et G. G. RICHTER Diff. de diuino Hipp. Gotting. 1739. recuf. in Opusc. med. T. I, n. 4. p. 42. seq.

mur. Equidem non nescio, ad oxygenes principium, tanquam pabulum vitae, ad azoticum aut carbonicum principium, tanquam materiem, qua vita et periclitatur, et sufflaminatur, a chemicis antiphlogisticis respici, nihilominus tamen nemo ad hunc vsque diem recte determinasse videtur, qualia aeris principia in hac, qualia in alia epidemica constitutione quammaxime praeualeant. Hoc in casu praestat sine ratione esse, quam cum commentitia; explicatione delirare aliosque speciosis argumentis fallere. *Opinionum commenta, bene monente TVLLIO, delet dies.*

CAPVT III.

VENARVM DESCRIPTIO.

40.

Quod si vnquam hunc librum esse recentiore aetate Hippocratea efficere potuerim, hoc tamen loco barbaries primordiorum anatomicae cognitionis ita elucet, vt regeri et in contrarium adferri fere nihil possit. Absurda illa venarum corporis delineatio ita ab auctore nostro proponitur.

„Corpus humanum quatuor paria venarum habet.
 „Et ipsorum quidem vnum a capite retro per ceruicem
 „parte externa tendit ad vtrumque latus spinae, et inde
 „peruenit in coxendices, et in crura tibiasque, nec non
 „et in malleolorum externas partes atque in pedes. Aliae
 „autem venae, quae a capite initium habent, iuxta aures,
 „iugulares vocatae; Eae tendunt per ceruicem parte in-
 „terna delatae a cava ad spinam et ad lumbos, nec non ad
 „testes

„testes, femoraque et per internas poplitum partes, inde
 „per tibiae ad internas partes mallorum atque in pedes.
 „Tertiae autem venae a temporibus per ceruicem sub
 „scapulas tendunt, postea vna in pulmones feruntur, et
 „perueniunt quidem hae a dexteris in sinistra, illae vero
 „a sinistris in dextra. Et dextra quidem a pulmone sub
 „mamam peruenit in lienem renemque, quae vero a
 „sinistris in dextra a pulmone sub mamam peruenit in
 „iecur et in renem: Vtraeque autem desinunt ad anum.
 „Quartae autem a capitis parte antica et ab oculis sub col-
 „lum et iugula tendunt, dehinc brachiis parte superiore
 „in flexum cubiti, ac postea per cubitos ad manus vs-
 „que etc.“

Ex hac insana venarum descriptione sectionem earum
 ita instituendam esse censet, vt longissime a loco adfecto
 sanguis detrahatur.

41.

Oleum et operam perdidisse mihi videor, si omnino
 falsam esse hanc venarum descriptionem multis monstra-
 re satagerem, quae nostri aevi tonsoribus melior iam in-
 notescit. Memoratu tamen dignum est, et SYENNESIS,
 Cyprii, et DIOGENIS, Apolloniatae, et auctoris libri *περὶ
 φύσιος ὁσέων* angiologiam (S. 15.) huic descriptioni et diui-
 sioni perquam similem esse.

42.

Omnino vero descriptio in eo versatur, vt alterno-
 rum membrorum consensum et conspirationem ope vaso-
 rum doceat. Hinc etiam venarum sectionem e locis remo-

tis instituendam esse auctor perhibet, in quo contrarius est HIPPOCRATIS genuinae doctrinae, qui e locis adfecto proximis sanguinem esse detrahendum docet *). Nonne observatio, oppositam esse in morbis nervosis et paraliticis sedem mali locis adfectis, huic theoriae ansam praebuit, cum nerui nondum satis bene essent detecti? ARETAEVS saltem post nostrum auctorem primus fuit, qui venaesectionem in locis remotis ab adfecto commendavit **). Litis autem de vena in pleuritide secanda seculo XVI. clarissimae et feruentissimae inter Arabistas et BRISNOTVM, et qui eius ab partibus stabant, historiam cum alii iamiam copiose ac late enarrauerint ***), non repetendam esse autumo, cum ad finem libelli ob instituti rationem et brevitatem temporis sit properandum.

CAPVT IV.

DE MORBIS VARIIS ANIMADVERSIONES.

43.

Sine ordine vlllo adiicit auctor varias observationes, cum doctrina Hippocratica haudquaquam consentientes. Et primo quidem loco prognosin phthiseos attingit, quam ex sreatu copiosi puris et lotii turbulenta indole format, deinde ex vrina arenulis repleta et turbulenta morbos renum et vesicae dignosci, febrium maximam partem ex bile oriri, quaternum tamen earum numerum ex quatuor humoribus cardinalibus diiudicandum esse contendit. Quae vero, cum partim iam antea satis (opinor) explicata sint, partim explicatione non egeant, pedem hic figo, lectoribus rogatis, vt aequi bonique consulant tentamen, incaligine summa, qua libellus noster inuoluitur, lucem qualem cunque diuinandi.

*) SPRENGEL'S Apolog. des Hippocr Th. II. S. 328.

**) Curat acut. lib. I c. 10. p. 89. 90.

***) SPRENGELS Geschichte der Arzneyk. Th. III. S. 38.